

آبونه شرائطی : هریر ایچون  
سنه لکی (۲۷۵) آلتی آیلغی  
(۱۵۰) خارج ایچون سنه لکی  
۳۲۵ غروشدور .

نسخه سی ۵ غروشدور .  
ایکی نسخه برآراده  
(۱۰) غروشدور  
سنه لکی ۵۲ عددور .

اداره خانه : باب عالی جاده سنده  
رشید افندی خاندنه

اخطارات

آبونه بدلی پشیندر .

مسلكه موافق آثار مع الممنونیه  
قبول اولنور . درج ایدله یین  
یازیلر اعاده اولنماز .

# الکتابخانه

۱۳۳۰

آدرهس تبدیلنده ایریجه  
۵ غروش کوندورملیدر .

مکتوبلرک امضاری واضح  
واوقوناقلی اولسی و آبونه  
صره نومروسنی محتوی  
بولوغنی لازمدر .

ممالك اجنبیه ایچون آبونه  
اولانلرک آدرس لرینگ  
فرانسه زجه یازلسی رجا اولنور .

پاره کوندردیکی زمان نهیه  
داثر اولدیغی بیلدیلمسی  
رجا اولنور

اتبعون اهدکم سبیل الرشاد

صاحب و مدیر  
اشرف ادیب

باش محرر  
محمد عاکف

والله یهدی من یشاء الی صراط مستقیم

## عبدلله اصرحات

لېکن کون اقسام غزته سی (عبدلله اصلاحاتی) حقنده برباش. مقاله نشر ایتدی. نجم الدین صادق بک بو مقاله لرنده و محکمه لر مژک ، بآشیدن آشاغی قانونلری مژک و اصول عدلیه مژک اصلاحه محتاج اولدینی ، عدلیه من صلاح بولمادجه مملکتده دیگر ساحه لرده کی اصلاحاتدن بحث ایدیللمه چکنی ، سویلور .

فی الحقیقه تنظیما بک، وجوده کتیرمش اولدینی قوانین و مؤسسات عدلیه روح ملی ایله قایناشامدینی ، مملکتده بالذات فرانسه قدر بابانجی قالدینی ایچون دولت و ملت مبادی اضطرابلردن قورتوله مامشدر. قوانین شرعی و مؤسسات اسلامی بک اهمیتدن اسقاطی یوزندن حصوله کن بحران اجتماعی ملتی هویت شخصیه سندن انصلاح ایتدیره چک قدر تهله کله تولید ایتمشدر. شئون مدنی بک ماضی ، حال و استقبال آرمسندگی آهک اتصالی محافظه ایدیللمه مدیکی ایچون یکیدن وضع اولونان احکام ، قوانین اصلیه منزه آقیری قالمش ، روح اجتماعی به تماس ایدمه مش ؛ بوسیلله مملکت مزده قانون محبتی شریعت محبتی قدر تأسس ایللمه مش و او قانونلری تطبیقه مأمور اولان نظامی محکمه لر عدالتی تأسیسه موفق اوله مامشدر .

هیچ شیه یوقدر که اعصار اخیرده مصاب اولدیغیمز فلاکتلر هب کندی مبادی و مؤسسات مزه آرقه چورم رک ضلالت یوللرینه صایمه من و بابانجی برطاق ملترک بشلرینه طاقیمه من یوزندن اولمشدر . یالکیز عدلیه دکل ، (تنظیلات) نامنه بنیه دولتمه اجرا ایدیلن بوتون عملیه لری ، (اصلاحات) آدیلله مملکتده صوقولان بوتون نظامات و مؤسساتی تدقیق ایدیکیز، حصوله کتیرمش اولدقلری نتایج اجتماعی و سیاسیه بی نظر اعتباره آلکیز ؛ کوره چکسکیز که مادی ، معنوی تحریاتدن باشقه هیچ برصلاح حصوله کله مشدر . چونکه تشکیل اولونان مؤسسه لر دن بکله ن غایه بی استحصال ، وضع اولونان قانونلردن انتظار اولونان فائده بی تأمین ایچون او مؤسسات و قوانینک ملترک زوچلرندن ، عقیده لرندن ، عنعناتلرندن ، الحاصل طرز تلقیلرندن طوغمش اولمسی اک اساسی شرطدر .

تنظیما بک بر ملتک هویتی ، یعنی اصل تابعی هر دورلو مؤثرات خارجی و محیطیه بک تأثیرندن آزاده بر ماهیت مستقله اولمادیغنی نظر دفته آلامدیلر. تنظیما بک شوحقیقت علمیه دن تغافل ایتدیلر که هویت ملیه : عقائد ، لسان ، عادات و سائر کی برطاق مؤثرات قویه بک خلاصه متمثله سیدر. ملل و اقوام اوزرند حکم عینقی اجرادن هیچ بر زمان خالی قالمایان بو مؤثرات قویه و متسلسله بک حکمدن اسقاطنه قالدیشمق ، شبه یوق که محالی امکانه تقریب ایله اوغراشمقدر. و بونک

نتیجه سی خذلان و خسراندر . بو مؤثرات ، کندیسنه قارشو وقوع بولان هر دورلو حرکاتی شدتله تدمیر ایدر . بوتون ملترک قوتنه سرفرو . ایتکه مجبور اولدقلری بو مؤثرات و عواملک استحقاری هویت ملیه بک هویت سائر طرفندن افشا و تمثیلله نتیجه لیر . بر ملت که کندیسنی محافظه هویت قیدندن آزاده کورور ا ارتیق اونک ایچون طریق ترقیده ، محافظه استقلال اوغورند مجاهدانه کیریشمه به محل یوقدر . چونکه او ، موجودیت مستقله سی فدایه راضی اولمش ، کندیسنی بر غذا کی باشقلرینک دیده اشتها سنه عرض ایتمش دیمکدر. اوت ، تنظیما بک بو حقایق هیچ نظر اهمیته آلامدیلر ؛ باشقه ملترک قانونلری ، مؤسسه لری مملکتده کتیرمکه یکی بر ملت وجوده کتیره بیله چکلری ذهابه دوشدیلر ؛ فقط علمه ، حقایق طبیعیه قارشو اولان بو حرکت مملکتده فلاکتدن باشقه بر شی کتیرمدی .

مرضنه شعوری لاحق اولان بر وجودک ایلک حادثه روحیه سی بقای نفسی حقنده بر عهده اشتباهه طوتوله رق فکرند توهم ، اراده سنده قور کوسرتمک ، مدعش بر خلجان واضطرابه دوشمک اولورکه ، بوحال علی الا کثر امراضک کشف و تشخیصنه ، اصلاحاتک تطبیقه عاند لوازمک لایق وجهله تمیزنه مانع اولقدن خالی قالماز . ایشته بو حالت روحیه درکه اصلاحات علته دوچار اولان زمره بی یا کیش بر یوله صابیدردی ؛ دولتک کندی بنیه سنه موافق تداویدن ذهول ایتدیره رک قوتلی و سالم کوردیکی دولتره تحسیر و تقلیده سوق ایتدی . بناء علیه دولت هر هانکی مؤسسات و قوانینک اصلاحنه کیریشمش سه همان هپسند اسکیسنی ییقمق و یکیسنی تماندن بنا ایلک سوداسنه دوشمکدن قورتولامادی ، واقعا بوقفا ایله اسکی دیدیکی کندی ملی قانونلری ، ملی مؤسسه لری ییقلدی ؛ فقط برینه قونمق ایستنه شی ملتک نه بنیه اصلیه سی ، نه ده احوال اجتماعی و روحیه سیله مناسبته دار دکدی . بونک ایچون درکه «تنظیلات و اصلاحات» نامی ویریلن و بو یوله تدوین و تشکیل ایدیلن قانونلر ، مؤسسه لر بحران تزیید ایتمکدن و ملتله زمره مدیرانی آرمسندگی اوچورومی برآز دها دریناشدیرمکدن باشقه بر نتیجه ویرمدی .

ظن ایدیورز که ، نجم الدین صادق بک ده بو جهتلری نظر دفته آله رق «بوتونه معامهت شرعی بک قانونه مدنی صورتده وبالطبع شرع شریفه مطابق بر شکلده تمییز و تدوین» توصیه ایدیورلر ، که جوق طوغرودر . عینیت و بقای هویتیزی محافظه و تأمین ایدم بیلیمک ایچون قوانین اصلیه و اصول ثابته مزدن اوزا قلاشماق ، قانون ملی و مدنی اولان فقه جلیلمزک زمانک ایجابانه ، مصلحتک اقتضاسنه کوره تجلی و انکشافنی تأمین ایدم چک اسبابه توسل ایلیمک بزم ایچون اک اساسی واک حیاتی مسئله در. ارتیق بو بک ایچون ملتک بوتون روحیه

مربوط اولدینی محاکم شرعیہ نیک می الفاسی ، یوقسہ فرانسز محکمہ لرندن  
باصمہ قالب آلمش اولان محاکم نظامیہ نیک می الفاسی لازم کله چکی  
مسئلہ سی کندی کنده تظاہر ایدر . احکام شرعیہ نیک اجرانی دوش  
کفایتہ آلان ونظم قیلنه حق قوانینک فقه شریفہ ایتنا ایدہ چکی عمدہ  
اساسیہ اتخاذیدن تشکیلات اساسیہ قانونی دہ محکمہ لرمنزک مسلمہ نلاشدیرلمسی  
لرومن ادرک ایتشدیر . اگر اصلاحات بواستقامت سائلہ ویریلجک  
اولورسہ هیچ شہہ یوقدرکہ بوحرکت ، ملتی فلاحہ ، عدالت وسعادتہ  
کوتورده چکدر .

## مبعوثان کرامہ آجیبی مکتوب

ملت نجیبہ نیک مقدراتی تعیین ونشیتہ مآذون محترم مبعوثان کرام !  
افراد ملنک حق حیاتی حقوق طبیعیہ سندن اولدینی کبی ملک وملنک  
ولاسیاملینک دوام وبقای دہ اوفردی حیاتک حقوق طبیعیہ نہ رعایتکار  
اولق شرطیلہ محافظہ موجودیت ودوام محبتیلہ قائمدر . بونک ایچون  
ملنک سختہ مضر اولان شیملری ترویج ایلک او ملتی اقراض  
ووخامتہ سوق ایلک دیمکدرکہ بوکادہ نہ حاکیت ملیہ ، نده رجال  
ملت هیچ برزمان قائل اولہ ماز . بناء علیہ عہدہ استہمالکزرہ تودیع  
ایدیلن مهم ، غایت مهم وظیفہ لرندن بریسی دہ شہہ یوق کہ « منع مسکرات »  
قانوننک یکیدن تدقیقی مسئلہ سی تشکیل ایدہ چکدر . بوکون کرہ رضک  
هر طرفندہ وخصوصیلہ آمریقادہ ، اسوہ چ ونوروجده ، آلمانیا دہ مسکراتک  
صحت بشرہ غایت مضر اولدینی فہا آکلا شیلمش ونا برین منعی جہتہ  
کیدلش اولدینی کبی زده دخی شرعاً حرام ، فہا مضر ومادہ مہلک  
اولسنہ منعی قانون مخصوصلہ دہ اخیراً منع ایدلشدیر . غربک منع مسکرات  
حقندہ استناد ایندیکی اسباب بر ایسہ زده بک چوقدر . بونلہ صحت  
عمومیہ نیک محافظہ سنی واحکام شرعیہ نیک تطبیقی لزومی تأییداً موقع  
سرعیہ وضع اولونمش اولان بر قانونک رفمنہ طرفدار اولمقدہ برنجی  
درجہ دہ عظیم وغایت عظیم برمسئولیت مغویہ ، دہشتلی بزبارکران وبال  
واردر . چونکہ یکیدن مسکراتہ مساعدہ ایلک جناب حقک حرام  
قیلدینی مضر بر مادہ نیک حلتہ قائل اولق دیمکدرکہ بوندن دہا بیوک  
بر مسئولیت مغویہ تصور اولوبایلورمی ؟

ایکنجی درجہ دہ ایچکی ممنوعیتی رفع ایلہ یکیدن مساعدہ ایتک  
امراض ساریہ نیک سرائقہ واسطہ اولان ایچکی یوزندن ملت امراض  
ساریہ دہ دوجار وبالنتیجہ اقراضہ محکوم اولمش اولور . شو معروضام  
ہلال اخضر جمعیتک آلدہ ایندیکی استانیستیکلرلہ ثابتدر . بنا برین  
مسکراتک یکیدن سربستیسہ مساعدہ ایلک حیات عمومیہ بی مہلکہ  
سوق ایتزمی ؟

اوجنجی درجہ دہ : بواچکی یوزندن دہ بالعموم جنایتلر ، تہوری  
بتون جرائم وقوعبولمقدہ ، صباحلرہ قادار میخانہ لرده ، بیرخانہ لرده  
قالتسی یوزندن عائلو ی عدم امتزاجلر ، یوزیکلرچہ طلاقلر وسینات  
اخلاقیہ سلوکلر تولد ایتکدہ ، خلاصہ ایچکینک خددرات اسلامیہ  
آراسنہ کیرہ رک ملنک تراحت اخلاقیہ سی اخلاص وعفت وعصمتی پائمال  
ایدلمکدہ بولونمش اولدینسندن طولای زواللی ملت بوماً فیوماً عائلہ  
تشکیلندن بیلہ مہجور ومحروم قالمشدر . بونک اسباب نبوتیہ سی دہ  
ینہ ہلال اخضر جمعیتدہ موجود پاکتر طولوی وناشدن باشقہ  
خددرات اسلامیہ نیک شواچکی یوزندن دوجار اولہ کلدکری فلا کتلدن  
قورتاریللری ایچون ہان ہرکون استمداد مقصدہ ہلال اخضر جمعیتہ  
کوندردکری بیکلرچہ قریاد نامہ لرندن دہ آکلا شیلدینی کبی ضابطہ  
محلیہ نیک دہ قیود رسمیہ سی بونی مؤیددر . ایشہ ایچکی یوزندن ظہور  
ایدہ کن بوقادار خجایک یکیدن ترویجہ بیلیم ہانکی وجدان وہانکی  
سلامت فکر وایقان روی رضا کوسترہ بیلور ؟

دردنجی درجہ دہ : الیوم وحدت ملیہ بی تأمینہ موفق اولمش اولان  
آناطولیدہ یکیدن میخانہ کشادینہ ، میخانہ جیلک اجرانہ هیچ برفرد  
مسلمک خواہشکر اولہ جنی تصور ایدیلہ بیلورمی ؟

بناء علی ہذا یالکیز استانبول دہ کی سربسقی حیاتک تأمین مقصدیلہ  
حیات عمومیہ ملت فصل اہمال ایدیلہ بیلور ؟

بشنجی درجہ دہ : شرعاً حرام اولان مسکراتک مضرات عظیمہ سنک  
فہا تحقیق ایتس اولسنہ منعی استانبول دہ بولان بنام اطباء اسلامیہ نیک  
یوزدہ طقسان طقوزینک ورجوق منتسین علم حقوق ایلہ نوران  
ملنک اشتراکیلہ تأسس وتشکیل ایتس بولان ہلال اخضر جمعیتی  
جمعیت خیریہ اولقلہ برابر مسلکی انسانی وتدقیقانی علمی وفنیدر .  
فلہذا ایچکی بہ مبتلا اولان برفردک ایکنجی بطن اولادی مطلقاً ضررہ ،  
کبک وورم خستہ لقلریلہ جنت کبی برحالت مرضیہ روحیہ ایلہ مریض  
ومملول اولہ جقلری ہلال اخضر جمعیتک سینہ سندہ طاشیمقلہ مفتخر  
بولدینی استانبول اطباء اسلامیہ سنک وجودہ کتیردکری متخصص ،  
کزیدہ ہیٹک تدقیقات ، کشفیات قیہ وعلمیہ لری نتیجہ سندنہ تحقیق  
ایتس بوانیور . وتاریخادہ مثبت بولدینی وجہلہ محو ونا بود اولمش  
ہانکی ثروت وسامان واردرکہ اونک محو ونا بود اولسنہ واسطہ  
یکانہ عیش وعشرت اولسون ، کذا سونمش ومنقرض اولمش  
ہانکی خاندان ، ہانکی خاندان واردرکہ ینہ سفاهت وعیش وعشرت  
یوزندن سونامش بولونسون ؟ بوبایدہ ہرکون بشاون مثالی کوسترمکدہ  
هیچ برکیمسہ اظہار عجز ایتز . زیرا ہرکون انواع وامثال عدیدہ سی  
کورولمکدہ در . الیوم بک اوغلندہ تقسیم جوارندہ « سینما مازیک »  
وامثالی محللردہ ہر درلو اسباب سفاهتی جامع ویوزلرچہ ماصہ لری محتوی